

## **USLOVI ZA OSIGURANJE OD ODGOVORNOSTI STEČAJNIH UPRAVNIKA**

**Osiguravač** – „Grawe osiguranje“ a.d. Banja Luka

**Ugovarač osiguranja** – osiguranik ili neko drugo pravno ili fizičko lice koje u korist osiguranika sa osiguravačem zaključi ugovor o osiguranju od odgovornosti stečajnih upravnika;

**Osiguranik** – stečajni upravnik ili privremeni stečajni upravnik imenovan od strane stečajnog sudije, čija je odgovornost pokrivena osiguranjem;

**Oštećeno lice** – povjerilac stečajne mase koji je pretrpio štetu zbog neispunjavanja obaveza stečajne mase preuzete pravnom radnjom stečajnog upravnika-osiguranika, odnosno drugi učesnici u stečajnom postupku koji su pretrpili štetu zbog povreda dužnosti stečajnog upravnika-osiguranika;

**Osigurana suma** – gornja granica (najviši iznos) obaveze osiguravača po jednom osiguranom slučaju;

**Agregatni limit** – gornja granica obaveze osiguravača za sve osigurane slučajeve ostvarene unutar jedne osiguravajuće godine;

**Polisa osiguranja** – isprava o ugovoru o osiguranju;

**Premija osiguranja** – iznos koji ugovarač osiguranja plaća osiguravaču na osnovu ugovora o osiguranju.

**Čisto imovinska šteta** – šteta koja nije nastala ni povredom lica, ni oštećenjem, odnosno uništenjem stvari.

### **Član 1. Predmet osiguranja**

Predmet osiguranja u smislu ovih uslova je odgovornost stečajnih upravnika i privremenih stečajnih upravnika za štetu koju prouzrokuju svim učesnicima u stečajnom postupku, ako su skrivljeno povrijedili koju od svojih dužnosti utvrđenih u Zakonu o stečajnom postupku.

### **Član 2. Osigurani slučaj**

Osiguranim slučajem u smislu ovih Uslova smatra se propust ili pogreška osiguranika u pogledu savjesnog i urednog postupanja, koji ima za posljedicu nastanak štete, čiju bi nadoknadu moglo zahtijevati osigurano lice. Smatra se da je nastupio osigurani slučaj kad je osiguranik skrivljeno povrijedio koju od svojih dužnosti utvrđenih i Zakonom o stečajnom postupku.

Osiguranjem po ovim uslovima nisu pokrivenne štete od odgovornosti za propust ili pogreške u obavljanju djelatnosti koje su bile poznate u vrijeme zaključenja ugovora o osiguranja ili nisu mogle biti poznate.

Propust ili pogreške se smatraju poznatim kad ih osiguranik sam utvrdi ili za njih dozna, a da još nije postavljen ili najavljen odštetni zahtjev oštećenog lica.

U slučaju sumnje, smatra se da je propust ili pogreška napravljena onog dana kad je neka od radnji trebala biti preduzeta, kako bi se spriječilo nastajanje štete.

### **Član 3.**

Osiguranjen su obuhvaćeni osigurani slučajevi nastali na teritoriji Republike Srpske odnosno BiH, ukoliko se drugačije ne ugovori.

### **Član 4. Suma osiguranja**

Suma osiguranja, umanjena za iznos ugovorene franšiza, je gornja granica obaveze osiguravača.

U okviru ugovorene sume osiguranja obuhvaćena je i odgovornost za „čisto imovinsku štetu“ koja se ograničava na 25 % od ugovorene sume osiguranja, ako se drugačije ne ugovori.

### **Član 5. Učešće u šteti (franšiza)**

U svakoj šteti osiguranik učestvuje sa odbitnom franšizom od 10%, minimalno 500,00 KM, izuzev ako drugačije nije ugovoreno. Franšiza mora biti upisana na polisi osiguranja.

### **Član 6.**

Osiguravač će likvidirati iznos štete isplatiti u roku od 14 dana od dana kad je šteta likvidirana djelimično ili u cjelosti.

### **Član 7. Isključenje iz osiguranja**

Osiguranjem nisu pokriveni odštetni zahtjev za štete:

- 1) Nastale zbog radnje osiguranika koje je odobrilo stečajno vijeće ili stečajni sudija, odnosno zbog radnje koju je osiguranik preduzeo u cilju izvršenja naloga ili odobrenja (uputstva) stečajnog sudije, osim ako je nalog ili odobrenje isposlovao prevarom;
- 2) Nastale od strane zaposlenih radnika osiguranika, osim ako je šteta nastala zbog propusta u njihovom nadziranju od strane osiguranika;
- 3) Nastale povjeriocima stečajne mase zbog neispunjenja obaveza stečajne mase u slučaju kada osiguranik u vrijeme preuzimanja obaveza nije mogao predvidjeti da stečajna masa neće biti dovoljna za njeno ispunjenje;
- 4) Nastale nad sredstvima stečajnog dužnika, posredno ili neposredno ratnim i političkim rizicima bez obzira da li je rat objavljen ili nije i to: ratom, neprijateljstvima ili ratu sličnim radnjama, građaskim ratom, revolucijom, ustankom, nemirima koji nastanu iz takvih događaja, sabotazom, terorizmom, konfiskacijom, rekvizicijom ili drugim

- sličnim mjerama koje provodi ili namjerava provesti neka vlast ili slična organizacija koja se bori za vlast
- 5) Nastale nad sredstvima stečajnog dužnika upotrebom bilo kakvih eksplozivnih naprava, ako lice koje to učini djeluje zlonamjerno.
  - 6) Koje su nematerijalne, osim ako su štete nastale radnjama zaposlenih radnika osiguranika zbog njegovog propusta u njihovom nadziranju.
  - 7) Koje su se mogle pokriti drugim vrstama osiguranja
  - 8) Za štete nad sredstvima stečajnog dužnika nastale usljed zagađivanja zemljišta i vode
  - 9) U svim drugim slučajevima gdje se ne može utvrditi odgovornost osiguranika u smislu Zakona o stečajnom postupku

## **Član 8.**

### **Opšte odredbe utvrđivanje, procjena i vještačenje šteta**

Štete utvrđuje i procjenjuje osiguravač u smislu sa Zakonom o oblagacionim odnosima i Zakonom o stečajnom postupku.

U slučaju da se oštećeni i osiguranik ne zlože sa procjenom štete od strane osiguravača procjena će se prepustiti stručnim licima (vještačima) od kojih će svaka zainteresovana strana (osiguravač, osiguranik, oštećeni) imenovati jednog vještaka.

Za vještaka se mogu imenovati lica koja nisu u radnom odnosu ili nisu na bilo koji interesni način vezani sa bilo kojom zainteresovanom stranom.

Predmet vještačenja mogu biti samo sporne činjenice koje će se unaprijed utvrditi pismenim sporazumom o vještačenju.

Svaka ugovorna strana snosi troškove za svog vještaka.

## **Član 9.**

### **Obaveza osiguravača po podnijetom zahtjevu oštećenog lica**

U vezi sa podnijetim zahtjevima za naknadu štete od strane oštećenog lica osiguravač je u obavezi da:

- Zajedno sa osiguranikom preduzme odbranu od neosnovanih ili pretjeranih zahtjeva za naknadu štete (u daljem tekstu pravna zaštiti)
- Udovolji osnovanim zahtjevima za naknadu štete
- Nadoknadi troškove sudskog postupka

## **Član 10**

### **Pravna zaštita**

Obaveza osiguravača na pružanje pravne zaštite obuhvata:

- 1) Ispitivanje odgovornosti osiguranika za nastalu štetu
- 2) Vodenje spora u ime osiguranika, ako oštećeni ostvaruje pravo na naknadu štete u parničnom postupku

3) Davanje u ime osiguranika svih izjava koje smatra korisnim za zadovoljenje ili odbranu od neosnovanog ili pretjeranog zahtjeva za naknadu štete  
Uz saglasnom i uz uputstvo osiguravača vođenje spora može se povjeriti osiguraniku koji je u takvom slučaju dužan pridržavati se uputa i naloga osiguravača u pogledu vođenja postupka u parnici

Osiguravač može preuzeti vođenje parnice ili stupiti na mjesto osiguranika ili učestvovati u svojstvu umješaača.

Osiguravač je ovlašćen da odbije vođenje spora ili da prepusti vođenje spora osiguranika ako ocijeni da nema mjesta za pružanje pravne zaštite s obzirom na odnos visine zahtjeva za naknadu štetu i visine sume osiguranja.

U slučaju da je osiguravač na ime naknade štete isplatio sumu osiguranja umanjenu za iznos ugovorene franžize prije pokretanja spora prestaje njegova obaveza na pravnu zaštitu.

### **Član 11. Naknada štete**

Osiguravač isplaćuje naknadu iz osiguranja u roku od 14 dana od dana kada utvrdi obavezu i visinu svoje obaveze

Osiguravač je ovlašćen da na ime naknade osiguraniku položi sumu osiguranja umanjenu za iznos ugovorene franžize te se u tom slučaju oslobađa svih daljih obaveza i postupaka u vezi sa osiguranik slučajem.

Osiguravač sudjeluje u deponovanju radi osiguranja naknada šteta koje bi osiguranik bio dužan deponovati na osnovu zakonskih propisa ili sudske odluke i to najviše do iznosa visine njegove obaveza na naknadu štete.

### **Član 12. Naknada troškova postupka**

Osiguravač nadoknađuje sve troškove parničnog postupka ukoliko sam vodi spor ili je dao saglasnost osiguraniku za vođenje spora pa i onda kada zahtjev za nknadu štete nije bio osnovan.

Ako je parnica vođena bez znanja i saglasnosti osiguravača osiguranjem su pokriveni troškovi spora ukoliko zajedno sa naknadom štete ne prelaze sumu osiguranja umanjenu za iznos ugovorene franžize.

Osiguravač snosi troškove branioca u krivičnom postupku pokrenutom protiv osiguranika zbog događaja koje bi mogao imati za posljedicu postavljanja zahtjeva za naknadu štete po osnovu odgovornosti pokrivena osiguranjem i to samo izuzetno, ako je upoznat sa izborom branioca i prihvati da snosi troškove.

Troškove krivičnog postupka, kao i troškove zastupanja oštećenog osiguravač ne nadoknađuje.

Kad izvrši svoju obavezu isplatom sume osiguranja umanjenu za ugovorenu franšizu osiguravač se oslobađa daljih davanja na ime naknade i troškova po jednom osiguranom slučaju.

### **Član 13. Neposredni zahtjev oštećenog lica**

Ako ovlašćeno lice zahtjev ili tužbu za naknadu štete upravi samo prema osiguravaču, osiguravač će o tome obavijestiti osiguranika i pozvati ga da mu pruži sve potrebne podatke, a sam osiguranik će preuzeti mjere zaštite svojih interesa.

Ukoliko se iz prethodnog stava osiguravač odluči isplatiti naknadu štete oštećenom u potpunosti ili djelimično, dužan je o tome obavijestiti osiguranika.

Oštećeno lice može zahtijevati neposredno od osiguravača nadoknadu štete za koju je odgovoran osiguranik, ali najviše do ugovorene obaveze osiguravača.

### **Član 14. Obaveza osiguranika kad nastane osigurani slučaj**

Kada nastane osigurani slučaj koji je pokriven ovim uslovima osiguranja, osiguranik je dužan obavijestiti osiguravača o nastupanju osiguranog slučaja najkasnije u roku od 3 dana od dana saznanja.

Osiguranik je dužan nezavisno od roka u kojem je podnio prijavu štete predstavniku osiguravača pružiti sve podatke i druge dokaze koji su potrebni za utvrđivanje uzroka, obima i visine štete. Osiguravač može isto tako zahtijevati da osiguranik pribavi i druge dokaze ako je to nužno potrebno i opravdano.

### **Član 15. Zaključivanje ugovora o osiguranju**

Ugovor o osiguranju zaključuje se na osnovu usmene ili pismene ponude i zaključen je kada ugovarači potpišu polisu osiguranja ili list pokrića.

Usmena ponuda učinjena osiguravaču za zaključenje ugovora o osiguranju ne obavezuje ni ponuđača ni osiguravača.

Pismena ponuda učinjena osiguravaču za zaključenje ugovora o osiguranju vezuje ponuđača ako on nije kraći rok za vrijeme od 8 dana kada je ponuda prispjela osiguravaču.

Ako osiguravač povodom primljene ponude zatraži kakvu dopunu ili izmjenu kao dan prijema ponude smatraće se dan kada osiguravač primi traženu dopunu ili izmjenu.

## **Član 16.** **Način obavještanja**

Sva obavještenja i prijave koje ugovarač osiguranja, odnosno osiguranik dužan dati u smislu ovih uslova osiguranja, obavezno se moraju pismeno potvrditi ako su date usmeno, telefonom, telefaksom, telegramom ili na neki drugi način.

Kao dan prijema obavještenja, odnosno prijave smatra se dan kada je primljeno pismeno obavještenje odnosno prijava.

Ako se obavještenje, odnosno prijava šalje preporučeno kao dan prijema smatra se dan predaje pošte.

Sporazumi koji se odnose na sadržaj ugovora o osiguranju vrijede samo u koliko su sklopljeni u pisanoj formi.

## **Član 17** **Promjena adrese – naziva firme**

Ugovarač osiguranja – osiguranik dužan je obavijestiti ugovarača o svakoj promjeni vezanoj za naziv i sjedište osiguranika i to u roku od 15 dana od dana nastale promjene.

Ako ugovarač osiguranja – osiguranik ne obavijesti osiguravača o promjenama iz prethodnog stava za vrijeme obavijesti dovoljno je da osiguravač uputi osiguraniku preporučeno pismo prema posljednim podacima o adresi osiguranika, odnosno nazivu firme kojima raspolaže.

Obavijest vrijedi od dana od kojeg bi u normalnim okolnostima vrijedila da nije bilo promjena iz prethodnog stava.

## **Član 18** **Izmjene uslova osiguranja i premijskog sistema**

Ako osiguravač izmijeni uslove osiguranja ili premijeski sistem, dužan je o tome pismeno ili na drugi pogodan način obavijestiti ugovarača osiguranja najkasnije 60 dana prije isteka tekuće godine osiguranja.

Ugovarač osiguranja ima pravo otkazati ugovor o osiguranju u roku od 60 dana od dana prijema obavijesti. U tom slučaju ugovor o osiguranju prestaje istekom tekuće godine osiguranja.

Ukoliko ugovarač osiguranja ne otkáže ugovor o osiguranju o roku iz stava prethodnog, ugovor o osiguranju sa početkom narednog perioda osiguranja mijenja se u skladu sa izvršenim izmjenama uslova osiguranja, odnosno premijskog sistema.

## **Član 19**

### **Trajanje osiguranja**

Ugovor o osiguranju proizvodi svoje dejstvo po isteku dvadesetčetvrtog časa dana koji je na polisi označen kao dan početka trajanja osiguranja i traje sve do završetka poslednjeg dana roka za koje je osiguranje ugovoreno, odnosno do iscrpljivanja suma osiguranja – limit pokriva.

## **Član 20**

### **Prestanak i raskid ugovora**

Ako rok trajanja osiguranja nije određen ugovorom, svaka strana može raskinuti ugovor sa danom dospjeća premije obavještavajući pismenim putem drugu stranu najkasnije tri mjeseca prije isteka tekuće godine osiguranja.

Prestankom ugovora o osiguranju prije isteka vremena za koje je prekića plaćena, premija pripada osiguravaču samo do završetka dana do kojeg je on bio u obavezi, ako drugačije nije ugovoreno, ako nije bila plaćena šteta po navedenoj polisi, ili ako do prestanka osiguranja nije došlo do isplate sume osiguranja.

Ako ugovarač osiguranja – osiguranik raskine ugovor koji je zaključen na rok duži od pet godina dužan je vratiti odobreni popust za trajanje osiguranja odnosno pridržavati se u svemu ugovora o višegodinjim osiguranju.

## **Član 21.**

### **Premija osiguranja**

Premija osiguranja određena je premijskim sistemom za osiguranje odgovornosti stečajnih upravnika. Premija osiguranja plaća se odjednom unaprijed ili u ugovorenim rokovima.

Ako premija nije plaćena o dospelosti ugovornog roka osiguravaču pripada pravo na zakonsku zateznu kamatu od dana dospjeća do dana plaćanja premije – rate.

Smatra se da je ugovarač osiguranja – osiguranik izvršio svoju obavezu plaćanja premije onda kada osiguravač primi iznos na svoj žiro-račun.

## **Član 22.**

### **Pravo regresa**

Ako osiguranik ili lica zaposlena kod njega pričine štetu trećim licima namjerno ili iz grube nepažnje, osiguravaču koji je štetu isplatio pripada pravo regresa.

Smatra se da je osiguranik ili lice zaposleno kog njega pričinilo štetu namjerno ako je kod obavljanja djelatnosti štetnu radnju učinio sa voljom i znanjem.

Znanje i volja moraju se odnositi podjednako na uzrok i posljednicu štetne radnje.

Smatra se da je osiguranik ili lice zaposleno kod njega pričinilo štetu iz grube nepažnje onda kada je u obavljanju djelatnosti propustio onu pažnju koju bi u svom radu upotrijebio svaki prosječan čovjek.

#### **Član 23.**

#### **Primjena uslova za osiguranje od odgovornosti iz djelatnosti**

Na ove uslove primjenjuju se uslovi za osiguranje od odgovornosti iz djelatnosti u dijelu koji nije u suprotnosti sa ovim uslovima.

#### **Član 24.**

#### **Prelazne i završne odredbe**

U slučaju spora iz primjene ovih uslova nadležan je stvarno nadležan sud u sjedištu osiguravača.

#### **Član 25.**

Ovi uslovi stupaju na snagu i primjenjuju se danom donošenja

Banja Luka, 22.12.2020. godine

Predsjednik upravnog odbora  
Marko Mikić